

ZNAČAJ INSTITUCIONALNIH INVESTITORA U EVOLUCIJI FINANCIJSKIH SUSTAVA

Datum prijave: 31.03.2015.

Datum prihvatanja: 29.05.2015.

UDK: 336

Stručni rad

Doc. dr.sc. Bojana Olgic Draženović

Sveučilište u Rijeci, Ekonomski fakultet

Filipovića 4, 51000 Rijeka, Hrvatska

Telefon: 051-355-128 Fax: 051-212-268 E: mail: bolgic@inet.hr

Tino Kusanović, dipl.oecc.

Sveučilište u Splitu, Sveučilišni odjel za stručne studije,

Kopilica 5, 21000 Split, Hrvatska

Telefon: 021-393-204 E-mail: tinoook@oss.unist.hr

Zlatka Jurić¹

Sveučilište u Rijeci, Ekonomski fakultet

Filipovića 4, 51000 Rijeka, Hrvatska

E: mail: zlatka15@hotmail.com

SAŽETAK - Financijski sustav zrcalo je gospodarskog dostignuća svake zemlje, jer njegova učinkovitost ima direktni utjecaj na funkcioniranje nacionalnog gospodarstva. Financijske institucije i tržišta predstavljaju okosnicu i mehanizam uz pomoć kojeg djeluje cjelokupan financijski i gospodarski sustav, ali nastanak efikasnog i reguliranog sustava s mnoštvom sudionika evolucijski je i dugotrajan proces. Financijski sustavi u suvremenim uvjetima postaju sve više određeni spletom nebunkovnih financijskih intermedijara koji ubrzavaju promet vrijednosnih papira i nekreditnih oblika financiranja te inoviraju tehniku pribavljanja kapitala. U institucionalnoj strukturi financijskog tržišta stalno nastaju promjene, a u posljednje vrijeme posebno se ističe brz razvoj institucionalnih investitora, zahvaljujući politici diverzifikacije ulaganja, koncentraciji znanja i olakšanog pristupa informacijama te visokoj likvidnosti. Suvremeni financijski sustavi time postaju institucionalno diverzificiranim, procesno i strukturno složenijim te tržišno učinkovitim. Institucionalni investitori važan su dio finansijske strukture, jer imaju izravan utjecaj na razvoj tržišta kapitala dok s gledišta bankovnih financijskih posrednika utječu na rast konkurentnosti. Cilj rada je istražiti prirodu i implikacije procesa „institucionalizacije“ štednje kao vodeće odrednice evolucije finansijske strukture i razvoja financijskih sustava u posljednja dva desetljeća.²

Ključne riječi: finansijski sustav, razvoj, finansijska intermedijacija, institucionalni investitori

SUMMARY - The financial system mirrors the economic achievements of each country because its effectiveness has direct impact on functioning of the national economy. Financial institutions and markets are the backbone and the mechanism for operating entire financial and economic system. However, the emergence of an efficient and regulated financial system with many participants is evolutionary and lengthy process. Financial systems in modern conditions are becoming more and more determined by networks of non-bank financial intermediaries, which fasten trading of securities and non-loan forms of financing and innovates techniques of raising capital. The institutional structure of the financial market is changing constantly. In recent years, special emphasis is on the rapid development of institutional investors, thanks to the policy of investments diversification, concentration of knowledge and facilitating access to information and high liquidity. Modern financial systems thus become more institutionally diversified, procedurally and structurally more complex and efficient. Institutional investors are an important part of the financial structure, because they have a direct impact on the development of capital markets while from the bank viewpoint financial intermediaries affect the growth of competitiveness. The aim of this paper is to explore the nature and implications of institutionalization of saving as the main determinant of the evolution of the financial structure and development of the financial system in the last two decades.

Key words: financial system, development, financial intermediation, institutional investors

¹ diplomandica Ekonomskoga fakulteta Sveučilišta u Rijeci.

² Ovo istraživanje je sufinanciralo Sveučilište u Rijeci u okviru projekta 13.02.1.2.02.

1. UVOD

Finansijski sustav zrcalo je gospodarskog dostignuća svake zemlje, jer zdrava privreda zahtijeva efikasan finansijski sustav koji kanalizira finansijska sredstva prema ekonomski opravdanim investicijama. Brojni teorijski i empirijski radovi dokazali su da postoji pozitivna, kauzalna veza između finansijskog razvoja i ekonomskog rasta na dugi rok (Levine, 1997; Rajan i Zingales, 1998; Demirguc-Kunt i Levine, 2008). Zato je ostvarenje efikasnog finansijskog sustava od posebnog interesa za nositelje nacionalne vlasti. Ipak, finansijski i realan sektori u stalnoj su interakciji zbog čega se kauzalnost ne može promatrati kao proces samo u jednom smjeru.

Pri tome finansijska tržišta, finansijske institucije i finansijski instrumenti predstavljaju okosnicu i mehanizam djelovanja finansijskog sustava³, ali i cijekupne nacionalne ekonomije. Njihova međuvisnost i međusobna uvjetovanost dolazi do izražaja u kompleksnim tržišnim odnosima ponude i potražnje. Razvoju tržišta na strani potražnje izravno doprinose finansijske institucije, a posebno finansijski posrednici, jer veliki dio njih ulaze u finansijske instrumente. Istovremeno su snage ponude na finansijskom tržištu određene brojem i raznolikošću finansijskih instrumenata, ali i potrebama tržišnih aktera za finansijskim sredstvima.

Finansijske institucije mobiliziraju i okrupnjuju štednju suficitarnih ekonomskih jedinica i alociraju ih efikasno unutar finansijskih tržišta. Posljednjih desetljeća dominantna pozicija banaka je ugrožena rastućom važnosti nebankovnih finansijskih institucija, prije svega mirovinskih fondova, osiguravajućih društava i investicijskih fondova. Navedena skupina nedepozitnih finansijskih institucija naziva se institucionalnim investitorima. Njihova veličina uravnotežuje tržište te promovira konkurentnost i efikasnost u finansijskom sustavu. Osim toga, institucionalni investitori potiču inoviranje finansijskih tehnika, unapređuju tržište kapitala, jačaju transparentnost, informacijsku otvorenost i korporativno upravljanje (Olgić Draženović 2012: 1).

2. EVOLUCIJA FINANSIJSKIH SUSTAVA

Finansijski sustavi promatraju se kao dinamička kategorija, dio su evolucijskog procesa i prilagođavanja potrebama sudionika na tržištu. Dostignuti stupanj i smjer razvoja finansijskih sustava razlikuje se u ovisnosti o uspješnosti

obavljanja njegovih funkcija, neovisno o prihvaćenoj institucionalnoj formi.

Levine (1997) identificira pet temeljnih funkcija finansijskih sustava, a to su:

1. mobilizacija štednje;
2. unapređenje upravljanja rizikom;
3. pribavljanje informacija o investicijskim mogućnostima;
4. nadziranje menadžera i kontrola korporativnog upravljanja;
5. olakšavanje razmjene dobara i usluga.

Evolucija finansijskog sustava može se promatrati sa stajališta važnosti i relativnog udjela banaka i tržišta kapitala odnosno prema raznolikosti i zastupljenosti ostalih finansijskih institucija i finansijskih instrumenata. Razvojni proces finansijske arhitekture kreće se od bankovne prema tržišnoj strukturi, a završava sekuritiziranim fazom (Davis i Steil, 2001).

U prvoj, bankovnoj fazi razvoja finansijskog sustava, bankovne institucije prikupljaju glavninu štednje, provode najveći dio finansijske intermedijacije i najznačajniji su izvor eksternog financiranja nefinansijskih poduzeća. Tijekom ove faze banke imaju dominantnu ulogu u ekonomiji. Tržište novca je nerazvijeno i gotovo u cijelosti se odnosi na međubankovnu trgovinu. Nerazvijenost finansijskog sustava ogleda se u ograničenju broja i vrsta finansijskih posrednika, kao i finansijskih instrumenata kojima se trguje, dok je tržište kapitala potpuno ili relativno nerazvijeno.

Zbog nerazvijenih institucionalnih investitora, mogućnost držanja diverzificiranih portfolija vrijednosnih papira kod sektora stanovništva ograničena je samo na bogate pojedince i to uz visoke troškove. Srednji i nisko dohodovni sektor stanovništva preferira bankovnu štednju usprkos nižim stopama povrata.

Ovakva tržišta mogu se ocijeniti plitkim i uskim i karakteristična su za većinu tranzicijskih zemalja. Kontinentalni finansijski sustavi su uglavnom oligopolistički, uslijed dominacije banaka i njihova pristupa kanalima distribucije kojima se smanjuju ulazni troškovi pristupa tržištu.

Tijekom tržišno-orientirane faze, mijenjaju se odnosi u finansijskim sustavima koji postaju kompleksniji i sofisticiraniji. Kao konkurenca bankama sve više jačaju institucionalni investitori s novim finansijskim proizvodima. Važnost bankovnog sustava se smanjuje, ali banke ipak ostaju glavni izvor financiranja nefinansijskih poduzeća. Mijenja se i tradicionalno shvaćanje banke kao isključivo depozitno-kreditne institucije te se smanjuje primarna važnost depozita u aktivi kućanstava i kredita kao izvora financiranja poduzeća. Tržište

institucije, u temeljne elemente ubraja se i tržišna infrastruktura.

³Većina autora u sastavne dijelove finansijskog sustava ubraja finansijska tržišta, finansijske institucije i finansijske instrumente objedinjenih zakonodavnim okvirom. Prema metodologiji ECB-a, uz tržišta i

kapitala u početnoj je fazi razvoja, a najčešća izdanja su državne obveznice i manjim dijelom nova dionička izdanja.

Sektor stanovništva kupuje vrijednosne papire direktno i putem finansijskih institucija. Pojedinci s visokim primanjima smanjuju udjel direktno držanih vrijednosnih papira, a ostale skupine novčano suficitarnih subjekata smanjuju preferenciju prema depozitima povećavajući ulaganja u investicijske fondove, mirovinske fondove i osiguravajuća društva.

Tržišni finansijski sustavi karakteristični su za zemlje kontinentalne Europe (Francuska, Njemačka, Italija), Japan kao i za neka od naprednih tranzicijskih tržišta, primjerice Čile.

U trećoj, sekuritiziranoj fazi razvoja, primat u eksternom financiranju nefinansijskog i finansijskog sektora ima tržište kapitala. Korporativna izdanja obveznica i komercijalni papiri substituiraju bankovne kredite, a hipotekarni i potrošački krediti mogu biti sekuritizirani. Prikupljanje i alociranje štednje, monitoring i kontrola provode se posredstvom tržišta odnosno najčešće putem rejting agencija, investicijskih banaka i institucionalnih investitora. Vrijednosni papiri u ovoj fazi evoluiraju i javljaju se u formi raznih derivativnih instrumenata. Tradicionalno bankarstvo sve više gubi na važnosti, uz istovremeno jačanje novih nebankovnih usluga kao što su trgovanje vrijednosnim papirima, usluge savjetovanja i potpisivanja emisija te usluge portfolio managementa.

Posljednja faza razvoja finansijskog sustava karakteristična je za anglosaksonske zemlje (Kanada, Velika Britanija i SAD), koje odlikuje raznovrsnost oblika i tehnika financiranja, kao i vrlo visoki obujam trgovanja na finansijskim tržištima (Olgic Draženović 2012: 10).

Međutim, viša sofisticiranost pojedine faze ne znači nužno i bolje rješenje za sve zemlje. Većina autora se slaže da optimalna finansijska arhitektura za pojedinu nacionalnu ekonomiju ovisi o njezinim specifičnim karakteristikama.

Posljednja dva desetljeća svjedoci smo snažnih promjena konfiguracije i djelovanja finansijskih sustava. S razlikama u intenzitetu i brzini, promjene se najviše očituju u samoj strukturi finansijskih sustava. Trendovi koji se mogu uočiti su sljedeći:

1. Brži rast finansijskih sustava od samih nacionalnih ekonomija;
2. Smanjenje udjela banaka u strukturi finansijskih sustava uslijed dva suprotna procesa: jačanja dezintermedijacije odnosno direktnog financiranja putem tržišta i rasta nebankovnih finansijskih intermedijara;
3. Produbljivanje finansijskih tržišta uslijed sve većeg volumena i brzine trgovine, ali i raznolikosti finansijskih instrumenata;
4. Kompleksna struktura veza između krajnjih posuđivača i korisnika sredstava odnosno višeslojna intermedijacija na međusektorskoj i međunarodnoj osnovi;
5. Rastuća važnost tržišne intermedijacije koja trajno mijenja strukturu prihoda finansijskih institucija u korist nekamatnih vrsta prihoda (naknade za potpisničke usluge, usluge portfolio managementa, usluge savjetovanja i sl.);
6. Rastući utjecaj finansijskih konglomerata⁴ u finansijskim sustavima postavlja nove izazove za sustave finansijske regulacije i nadzora;
7. Smanjenje troškova pribavljanja informacija zbog revolucije informacijske tehnologije. Ipak, napredak se nije ogledao u linearnom smanjenju problema informacijske asimetrije već u razvoju kompleksnih finansijskih proizvoda.

Poveznica svih navedenih procesa je rastući značaj institucionalnih investitora koji su u direktnoj vezi s efikasnijim izvršenjem funkcija finansijskog sustava. Ubrzani rast i razvoj institucionalnih investitora od kraja dvadesetog stoljeća do danas rezultat je demografskih promjena, provođenja mirovinskih, osiguravateljskih i zdravstvenih reformi, procesa privatizacije, kao i sve bolje obrazovanosti i informiranosti stanovništva.

3. INSTITUCIONALNI INVESTITORI

Ključnu ulogu u povećanju ekonomske efikasnosti i prevladavanju nedostataka u izravnom financiranju putem finansijskih tržišta imaju finansijske institucije. Radi se o poduzećima čija se osnovna imovina sastoji od finansijske imovine ili prava i potraživanja, umjesto realne imovine. Finansijske institucije prikupljaju novčane fondove odnosno uštide s naslova različitih izvora, plasiraju ih na finansijskom tržištu i obavljaju usluge finansijske prirode. Od vitalnog su interesa za svaku ekonomiju, jer obavljaju ključne uloge kanaliziranja sredstava od dobavljača prema korisnicima novčanih fondova posredstvom finansijskih tržišta. Ponuda finansijskih viškova najvećim dijelom odnosi se na sektor stanovništva dok su najvažniji sektori potražnje poduzeća i država.

Povezivanjem sudionika procesa uravnoteženja ponude i potražnje za finansijskim sredstvima odnosno kreditora ili novčanosuficitarnih ekonomskih jedinica s jedne strane i dužnika ili

⁴ Finansijski konglomerat u najširem smislu se definira kao "grupa kompanija pod zajedničkom kontrolom, čije se isključive ili dominantne aktivnosti sastoje od pružanja najvećeg dijela usluga u najmanje dva različita

novčanodeficitarnih jedinica s druge strane, finansijske institucije prevladavaju nedostatke izravnog ili direktnog financiranja. Pristup izravnom financiranju za većinu malih investitora onemogućen je, jer je riječ o veleprodajnom tržištu.

Ovakav najjednostavniji oblik financiranja destimulira investitore i usmjerava ih prema alternativnim načinima kanaliziranja sredstava koji uključuju aktivnost finansijskih posrednika ili intermedijara. Riječ je o indirektnom ili posredovanom financiranju koje označava transformaciju finansijskih potraživanja. Direktna potraživanja u aktivi finansijskih institucija se posredovanjem „pretvaraju“ u indirektna potraživanja u pasivi odnosno obvezu prema štedišama ili investitorima. Finansijski posrednici tako kupuju finansijska potraživanja ili primarne vrijednosne papire kao što su dionice i obveznice i istovremeno prodaju finansijska potraživanja investitorima u obliku depozita, polica osiguranja, udjela u investicijskim ili mirovinskim fondovima. Dakle, većina finansijskih institucija su posrednici koji pribavljenia sredstva, kreirajući potraživanja investitora prema sebi, pretvaraju u potraživanja drugačijeg karaktera. Ostale finansijske institucije asistiraju na finansijskim tržištima i nemaju posredničku funkciju (Jurković, 1994: 57).

Finansijski posrednici poslovanje na finansijskim tržištima čine efikasnijim, jer neizravno alociraju novčani kapital prema profitabilnim i ekonomski opravdanim projektima i time uspješno ispunjavaju najvažniju funkciju finansijskog sustava odnosno funkciju alokacije. Načelo alokativne efikasnosti omogućuje napredak i razvoj nacionalnog gospodarstva te isključuje upotrebu raspoloživog kapitala prema političkim, socijalnim i drugim netržišnim kriterijima. Finansijske institucije na sebe preuzimaju i funkciju transformacije, jer pretvaranjem izravnih u neizravna potraživanja stvaraju nove finansijski instrumente čineći ih atraktivnijima za sve zainteresirane aktere.

Najvažniji finansijski posrednici i stožer finansijskog sustava tradicionalno su u većini zemalja bile banke. No, u razvijenim finansijskim sustavima to je sve manje slučaj. Na značenju sve više dobivaju nedepozitne finansijske institucije koje preuzimaju dio dosadašnjeg bankovnog tržišta i time označavaju napredak u razvoju nacionalnih finansijskih sustava. Istodobno opada udjel depozita i kredita u korist vrijednosnih papira i nekreditnih oblika financiranja i sve se više inoviraju tehnike pribavljanja kapitala, što sustave čini raznovrsnijim, složenijim, učinkovitijim, ali i jeftinijim.

Dominantan udio nebarkovnog posredovanog financiranja obavljaju institucionalni investitori koji

najveći dio prikupljenih novčanih sredstava ulažu u vrijednosne papire. Njihov interes je što veća i kvalitetnija ponuda utrživih finansijskih instrumenata zbog čega igraju važnu ulogu u razvoju finansijskih tržišta, a posebno tržišta kapitala.

3.1. Pojam institucionalnih investitora

Institucionalni investitori (engl. institutional investors, njem. institutionelle Geldgeber) su specijalizirane finansijske institucije koje sakupljaju, okupnuju i upravljaju štednjom malih investitora učinjući je u različite investicijske oblike u skladu s definiranim, specifičnim ciljevima kao što su prihvatljivi rizik, maksimizacija povrata i dospijeće potraživanja (Davis i Steil 2001: 12). Za razliku od pojedinca - individualnih investitora, u stanju su disperzirati rizik formirajući raznoliku strukturu ulaganja. Svojom veličinom i značenjem mogu utjecati na cijene i ostale uvjete na tržištu.

Ubrajaju se u finansijske posrednike, jer prikupljaju štednju pojedinaca i obitelji i transferiraju je organizacijama - korporacijskim, javnim i/ili državnim - koje su u deficitu i trebaju posudivanje (Foley 1998: 182). Oni su subjekti koji otkupljuju najveći dio emitiranih vrijednosnih papira na finansijskom tržištu i drže ih u svom portfoliju kao direktna potraživanja prema njihovim izdavateljima. Zbog toga je vjerovnička i vlasnička struktura poduzeća u razvijenim tržišnim ekonomijama sve manje u vlasništvu malih investitora, a u korist institucionalnih ulagatelja. Ipak, može se reći da je razvojem kompleksnih tržišnih odnosa i zahtjeva, štednja široke javnosti udrživanjem preko institucionalnih ulagatelja i dalje ostala najznačajnijim sudionikom finansijskog sustava na strani ponude novčanih sredstava.

Institucionalni investitori važan su dio finansijske strukture⁵, jer smanjuju transakcijske troškove i omogućuju individualnim investitorima da profitiraju od postojanja finansijskih tržišta. Individualni ulagatelji kupnjom udjela u investicijskim fondovima, premija osiguranja u osiguravajućim društvima ili uplatama u mirovinske fondove stječu pravo na odgovarajući prinos. U većini slučajeva, samostalnim ulaganjima na tržištu pojedinačno bi ostvarili niže povrate uslijed nemogućnosti ulaska na određena tržišta (devizno, novčano, tržište državnih obveznica i sl.), potrebnih visokih denominacija ili ulaganja u nedjeljivu imovinu, nedostupnosti informacija ili nedostatka stručnih znanja i razumijevanja tržišnih odnosa. Naime, zbog koncentracije uloga pojedinačnih investitora institucionalni investitori raspolažu s visokim iznosima okupnjene štednje uslijed čega se smanjuju transakcijski troškovi, a troškovi

⁵Finansijska struktura podrazumijeva sastav i relativnu važnost različitih finansijskih institucionalnih aranžmana u finansijskom sustavu (Lin, Sun i Yang, 2009: 2). U

užem smislu, riječ je o relativnoj važnosti finansijskih tržišta i bankovnih finansijskih intermedijara.

profesionalnog portfolio managementa dijele se među velikim brojem ulagatelja. Iz navedenog proizlazi mogućnost maksimiziranja povrata za dani rizični profil individualnih ulagatelja zbog mogućnosti da profitiraju na ekonomiji obujma, a ponekad i na ekonomiji obuhvata.⁶

S obzirom na orientiranost institucionalnih investitora na rast kapitala, isti su u mogućnosti kupiti široko diverzificiran i portfolio vrijednosnih papira (i drugih investicija), čime se za njih, ali i pojedinačne investitore, disperzira i reducira rizik. Institucionalni investitori razvijaju eksperturna znanja pomoću računalne tehnologije, imaju bolji pristup informacijama, a raspolažu i s profesionalnim i educiranim kadrom. Mogu koristiti i međusektorske informacije i ponovno iskoristiti već korištene informacije. Zbog svega gore navedenog, institucionalni investitori postižu više prinose na tržištu od malih ulagača, a imaju i snage utjecati na kretanja na finansijskim tržištima.

Institucionalni investitori imaju ulogu finansijskih posrednika koji prikupljaju sredstva kao direktna potraživanja te ih transformiraju u indirektna potraživanja s novim, izmijenjenim karakteristikama. Na taj način provode denominacijsku i ročnu transformaciju, diverzificiraju rizik i osiguravaju likvidnost čime izravno ili neizravno smanjuju troškove finansijskog tržišta.

Prema tome, prednosti institucionalnih investitora u odnosu na direktna ulaganja na finansijskim tržištima su (Davis i Steil, 2001):

1. Diverzifikacija rizika - različitim kombinacijama domaćih vrijednosnih papira i međunarodnim ulaganjima omogućuje se povoljniji odnos rizika i povrata ulaganja za razliku od direktnih investitora;
2. Veća likvidnost ulaganja - institucije preferiraju velika i likvidna tržišta kapitala i standardizirane instrumente visokog stupnja utrživosti, što ulagateljima pruža sigurnost i mogućnost dezinvestiranja⁷;
3. Informacijska intermedijacija - sposobnost institucionalnih investitora da prikupljaju i procesuiraju informacije;
4. Usklađivanje aktive i obveza po dospijeću - prevladavaju dugoročne obveze te profitabilniji i rizičniji instrumenti dužeg roka dospijeća, iako se u slučaju ročne transformacije sredstava ne

⁶ Ekonomija obujma predstavlja uštedu odnosno smanjenje transakcijskih troškova s rastom prikupljenih sredstava. Ekonomija obuhvata podrazumijeva rast opsega poslovanja do kojeg će doći putem ponude većeg broja proizvoda na jedinstvenoj, lako dostupnoj lokaciji (Mishkin i Eakins, 2005: 564).

⁷ Dezinvestiranje označava povlačenje iz investicija zbog izbjegavanja gubitaka ili iskorištavanja boljih prilika na tržištu (Leko 2008: 15).

⁸ Pojam korporativnog upravljanja podrazumijeva uređivanje odnosa između (prema Šonje, 2005: 40):

dovodi u pitanje likvidnost institucionalnog investitora;

5. Ekonomija razmjera - manji su prosječni troškovi za investitora zbog veličine institucija, visokih iznosa prikupljenih sredstava i manjih transakcijskih troškova.

Institucionalni investitori najznačajniji su kupci dugoročnih vrijednosnih papira te u velikoj mjeri determiniraju dinamiku tržišta kapitala. S tog stajališta, vrijedi istaknuti njihov doprinos osiguranju likvidnosti tržišta i jačanju konkurentnosti, a u najširem smislu i ubrzavanju finansijskih inovacija. Osim toga, doprinos institucionalnih investitora kvalitativnom razvoju tržišta kapitala očituje se u domeni korporativnog upravljanja⁸, poboljšanju sustava prijevoja i namire te unapređenju prilagođavanja cijena aktive fundamentalnim vrijednostima.

Institucionalni investitori kao "veliki igrači" na tržištu neizbjježni su u procesu financiranja državnih deficit i otplate javnog duga kupnjom državnih vrijednosnih papira te se u većini razvijenih ekonomija javljaju kao najvažniji kreditori države. Stoga se može reći da su za razvoj institucionalizirane štednje ključnu ulogu imale državne vlasti i to: razvojem tržišta javnog duga te raznim državnim i društvenim reformama (privatizacija, mirovinska reforma, promjene u zdravstvenim sustavima, reformama poreznog sustava, programima finansijskog opismenjavanja stanovništva i dr.) U širem smislu državni intervencionizam može omogućiti bolje funkcioniranje tržišta kapitala, ali i ukupne ekonomije.

Sagledavajući širi kontekst, važnost institucionalnih investitora ogleda se u podizanju efikasnosti finansijskog sustava (Vittas, 1998; Davis i Steil, 2001). Oni osiguravaju bolje investicijske mogućnosti i efikasnije kanale za alociranje ekonomskih resursa i kroz prostor i vrijeme te različite industrije (Harichandra i Thangavelu, 2004).

Osnovni problem koji se može javiti u postupanju institucionalnih investitora proizlazi iz različitih ciljeva investitora i fond menadžera odnosno iz mogućnosti da fond menadžera upravlja imovinom suprotno interesima klijenta ili u skladu s interesima povezane finansijske institucije. U širem obuhvatu, institucionalni investitori mogu utjecati i na

- menadžera i vlasnika: zbog asimetričnih i nepotpunih informacija menadžeri ne koriste imovinu tvrtke u skladu s interesima vlasnika;
- većinskih i manjinskih vlasnika: opasnost da se potencijalni konflikt uvijek razrješava u korist većine, bez mogućnosti manjinskih vlasnika da iskoriste adekvatan pravni odgovor;
- kreditora i dužnika: opasnost da kreditor ne može adekvatno nadzirati ponašanje dužnika.

stabilnost finansijskog sustava, posebno ukoliko su isti članovi finansijskih grupa ili konglomerata. Navedeno ističe potrebu i nužnost sveobuhvatnog i adekvatnog sustava supervizije i regulacije ovih finansijskih institucija.

Vrijedi napomenuti da se suvremena finansijska regulacija mora bazirati na koegzistenciji i mogućim interakcijama između tržista i institucionalnih investitora, koji najveći dio svojih sredstava ulažu na dugi rok. Uvezši u obzir njihovu visoku tržišnu izloženost, isti su izuzetno osjetljivi na tržišne nestabilnosti.

3.2. Vrste institucionalnih investitora

Institucionalni investitori pokretači su svakog finansijskog tržišta, svaki od njih ima različitu snagu i različite preferencije, sklonost riziku te prirodi transakcija različitih po obujmu, vrijednosti i frekvenciji.

Od širokog spektra institucionalnih investitora posebno se ističu tri vrste finansijskih institucija:⁹

1. mirovinski fondovi,
2. osiguravajuća društva,
3. investicijski fondovi.

Prve dvije vrste institucija ubrajamo u ugovorne štedne institucije, za razliku od investicijskih fondova s najčešće kraćim horizontom ulaganja. Institucije ugovorne štednje prikupljaju sredstva na ugovornoj osnovi u redovitim vremenskim intervalima i tako prikupljena sredstva ulažu u vrijednosne papire. Investicijski fondovi finansijska sredstva prikupljaju prodajom finansijskih instrumenata i zatim ih ulažu na finansijskom tržištu.

Osim navedenih „tradicionalnih“ institucionalnih investitora, u širem smislu pod institucionalnim investitorima podrazumijevamo i banke, zaklade, sindikalne fondove, investicijske banke, finansijske kompanije i sve finansijske institucije koje upravljaju tuđom imovinom ulažući je na finansijskim tržištima.

Razlike između pojedinih vrsta institucionalnih investitora s obzirom na finansijske instrumente u koje ulažu prikupljena finansijska sredstva ili ih emitiraju zorno prikazuje tablica 1.

TABLICA 1: STRUKTURA FINANSIJSKIH INSTRUMENATA KOJE DRŽE I KOJE EMITIRAJU RAZLIČITI INSTITUCIONALNI INVESTITORI

Institucija	Finansijski instrumenti koje drže kod sebe	Finansijski instrumenti koje emitiraju
Ugovorne institucije		
Kompanije za osiguranje života	hipoteke, korporacijske obveznice i dionice, police	police ili premijske rezerve
Kompanije za osiguranje imovine i osiguranje od nesreća	općinski vrijednosni papiri, korporacijske obveznice i dionice	police ili premijske rezerve
Mirovinski fondovi	korporacijske obveznice i dionice, državni vrijednosni papiri	Mirovinske rezerve
Investicijski fondovi		
Bankovni trust fondovi	korporacijske dionice, općinski i državni vrijednosni papiri, korporacijske obveznice	trust rezerve
Investicijski fondovi nekretninama (REIT)	komercijalne i rezidencijalne hipoteke	dionice, obveznice i kratkoročni krediti
Investicijske kompanije	korporacijske dionice i obveznice, općinski vrijednosni papiri	Dionice
Fondovi novčanog tržišta	certifikati o depozitu, komercijalni papiri i državni vrijednosni papiri	Dionice

Izvor: Lovrinović, 1997: 139.

Investicijski fondovi (fondovi zajedničkog ili uzajamnog investiranja) su institucionalni investitori koji udružuju finansijska sredstva investitora i plasiraju ih u razne investicije, a najčešće u diverzificirane portfolije vrijednosnih papira. Individualni investitor ulaganjem u investicijski fond ostvaruje niz prednosti, od kojih su najznačajnije: profesionalno ulaganje imovine, smanjenje rizika držanjem diverzificiranog portfolija, mogućnost manjih iznosa ulaganja, automatsko reinvestiranje dobiti, niži transakcijski troškovi i viši stupanj likvidnosti ulaganja (Prohaska, 1996). Ujedno se daje mogućnost ulaganja u vrijednosne papire koji inače nisu dostupni malim investitorima, primjerice državne obveznice, inozemni vrijednosni papiri, instrumenti tržišta novca i slično.

Investicijski fond odvojen je od društva za upravljanje fondovima te može, ali i ne mora imati pravnu osobnost. Organizatori fonda najčešće su

⁹ OECD klasificira institucionalne investitore na navedeni način te uključuje i četvrtu skupinu - ostali institucionalni investitori. Posljednjih godina, kao posebna kategorija institucionalnih investitora

posebno se ističu institucije za upravljanje imovinom koje investiraju imovinu za ime svojih klijenata (Celik i Isaksson, 2014: 96).

banke, osiguravajuća društva, tvrtke za upravljanje fondovima, velike brokerske kuće i druge institucije. Za svoje usluge fondovi naplaćuju naknade, koje se u većini slučajeva odnose na pristupninu i određenu proviziju.

Investicijski fondovi su posebno atraktivni sektoru stanovništva zbog mogućnosti ulaganja malih novčanih sredstava i redukcije transakcijskih troškova u odnosu na ostale institucionalne investitore. Također, ove institucije ne uvjetuju sklanjanje dugoročnih štednih ugovora. S druge strane, investicijski fondovi pokazuju najviši stupanj osjetljivosti na razdoblja krize zbog „bijega kapitala“ u sigurnija ulaganja, prije svega u bankovne depozite.

Mirovinski fondovi su finansijske institucije koje prikupljaju uplate odnosno doprinose članova za njihova radnog vijeka, a ulog uvećan za do tada realiziranu dobit isplaćuju investitorima tek po njihovu odlasku u mirovinu putem redovnih mjesecnih isplata. Svaki investitor vlasnik je osobnog računa u sklopu mirovinskog fonda, iz kojeg je vidljiva visina raspoloživih sredstava, odnosno iznos rente po odlasku u mirovinu.

S obzirom na izuzetan značaj mirovinskih fondova u socijalnoj i političkoj sferi svake zemlje, njihovo osnivanje, poslovanje i struktura ulaganja predmetom su posebnog interesa države. Osim nadzornih i regulatornih institucija, u dijelu zemalja postoji i stroga zakonodavna regulativa vezana uz problematiku strukture ulaganja odnosno najvišeg dopuštenog opsega ulaganja u pojedinu vrstu imovine te ograničavanja ili zabrane ulaska fondova u rizične i špekulativne poslove. Naime, za razliku od ostalih institucionalnih ulagatelja, osnovni principi djelovanja mirovinskih fondova odnose se na sigurnost, disperziju rizika i održavanja potrebne likvidnosti, a ne primarno maksimiranja profitabilnosti ulaganja. Od posebnog su značaja za razvoj tržišta javnog duga, s obzirom da predstavljaju najznačajnije kupce državnih vrijednosnih papira prvenstveno državnih obveznica.

Osiguravajuća društva su finansijske institucije koje naplaćuju premije za pokriće rizika osiguranja te tako prikupljenu štednju pojedinaca, ali i pravnih subjekata najčešćim dijelom ulažu u dugoročne vrijednosne papire na tržištu kapitala ili daju dugoročne zajmove (Novak 2005: 295). Isplata police ovisi o ostvarenju nekog uvjetovanog događaja preciziranog u ugovoru o osiguranju, a visina uplaćene premije kao ekvivalenta sigurnosti, definira se prema procijenjenim zahtjevima za

naknadama, operativnim troškovima i ciljnoj profitnoj marži osiguravajućeg društva.

Stabilnost i efikasnost društava za osiguranje s jedne je strane određena stvaranjem jake kapitalne baze, prvenstveno kumuliranjem premija osiguranja.¹⁰ S druge strane, prihodi se ostvaruju i na finansijskim tržištima ulaganjem prikupljenih sredstava čime povećavaju potražnju za vrijednosnim papirima.

Osiguravajuća društva smatraju se najstarijim institucionalnim investitorima, ali u novije vrijeme su po važnosti i rastu izgubili primat. Povijesno gledajući, poslovi osiguranja poznati su još iz srednjeg vijeka kada se je osiguravala imovina brodovlasnika.

U nastavku će se obrazložiti različita gledišta na probleme finansijske intermedijacije.

4. TRADICIONALNA I ALTERNATIVNA TEORIJA FINANSIJSKE INTERMEDIJACIJE

Paradigma na kojoj se temelji tradicionalna teorija intermedijacije poznata je neoklasična ideja o savršenom tržištu. Na savršenom su tržištu finansijski posrednici suvišni za stvaranje vrijednosti, jer se "spajanje" novčanosuficitarnih i novčanodeficitarnih jedinica provodi direktno, bez zapreka i u kratkom roku odnosno bez troškova i uz optimalne cijene.

Tradicionalna teorija intermedijacije promatra tržište u realnom svjetlu, uz evidentne tržišne nesavršenosti. Glavna funkcija finansijskih posrednika je povećavanje efikasnosti tržišta putem ublažavanja problema informacijske asimetrije između štediša i investitora te reduciranja transakcijskih troškova. Efikasna finansijska intermedijacija ima dva temeljna doprinosa: utječe na rast investicija i štednje te povećava efikasnost alokacije finansijskih sredstava u ekonomskom sustavu.

Teorija intermedijacije obuhvaća cjelinu funkcija finansijskih posrednika čime se uvažavaju argumenti njihova postojanja (prema Scholtens i Wensveen 2003):

1. argument informacijske asimetrije: finansijski posrednici prevladavaju probleme negativne selekcije imoralnog hazarda koji generiraju tržišne nesavršenosti i dovode do transakcijskih troškova;
2. argument transakcijskih troškova:¹¹ finansijski posrednici smanjuju troškove na tržištu zahvaljujući svojoj veličini odnosno sposobnosti

precizna predviđanja i određivanje profitabilnih cijena polica osiguranja.

¹⁰ Poslovanje osiguravajućih društava je održivo temeljem zakona velikih brojeva tako da rizik može biti raspoređen na veliki broj različitih polica. Osiguranjem velikog broja osoba distribucija vjerovatnosti mogućih gubitaka ima normalnu distribuciju vjerovatnosti kojom se omogućuju

¹¹ Transakcijski troškovi ne uključuju samo novčane troškove i troškove razmjene već i troškove prikupljanja informacija, monitoringa i revizije. U postupku izravnog ulaganja sredstava transakcijski troškovi dolaze do izražaja u dva osnovna oblika. Prvo,

- korištenja ekonomije obujma i obuhvata. Posrednici obavljaju kvalitativnu transformaciju aktive odnosno pretvaranje finansijskih potraživanja u ostale oblike potraživanja. U tom smislu, posrednici osiguravaju likvidnost i diverzifikaciju ulaganja;
3. argument regulacije: aktivnosti finansijskih posrednika potrebno je nadzirati i primjereni regulirati s ciljem očuvanja stabilnosti sveukupnog finansijskog sustava. Regulacija proizvodi direktne i indirektne troškove te utječe na solventnost i likvidnost institucija.

Osnovni zadaci finansijskih intermedijara su diverzifikacija i kvalitativna transformacija aktive. Finansijski posrednici ujedno rješavaju i/ili ublažavaju probleme različitih rokova dospijeća kod strana u procesu, ubrzavaju procese plaćanja zahvaljujući platnom sustavu i sustavu prijevoja i namire te ostvaruju brojne druge pozitivne efekte.

Ipak, posljednjih desetljeća se uslijed razvoja informacijske tehnologije, procesa deregulacije, produbljivanja finansijskih tržišta i uvođenja finansijskih inovacija, navedeni problemi umanjuju i dovodi se u pitanje svrha postojanja finansijskih intermedijara. No, usprkos navedenom napretku u sofisticiranosti tržišta, suvremeni finansijski sustavi određeni su rastom institucionalizirane štednje. U skladu s navedenim, razvijenost finansijskih intermedijara upravo je najveća u ekonomijama obilježenim visokom efikasnošću tržišta. Ove paradokse objašnjava alternativna (nova) teorija finansijske intermedijacije. Na ovaj način pruža se osnova za analiziranje i razumijevanje promjena u finansijskom sustavu i s aspekta njihova doprinosa efikasnosti izvršenja finansijskih funkcija i s aspekta moguće prijetnje stabilnosti sustava (Olgić Draženović 2012: 26).

Allen i Santomero (1997) u svom radu kritiziraju teoriju finansijske intermedijacije koja je previše fokusirana na funkcije institucija koje više nisu ključne u razvijenim finansijskim sustavima odnosno na upravljanje informacijama i rješavanje problema agenata. Suvremeni finansijski posrednici imaju dvije nove ključne uloge: prva se odnosi na upravljanje rizikom, a druga na njihovu sposobnost da posluju sa sve kompleksnijim i sve raznovrsnijim finansijskim instrumentima kao i razvijenim finansijskim tržištima.

Razlike između tradicionalne i alternativne teorije finansijske intermedijacije sažeto su prikazane u tablici 2.

TABLICA 2: TEMELJNE POSTAVKE TRADICIONALNE I ALTERNATIVNE TEORIJE FINANCIJSKE INTERMEDIJACIJE

Tradicionalna teorija	Alternativna teorija
Statična: savršeno tržište	Dinamična: razvoj tržišta; tržišna diferencijacija
Tržišne nesavršenosti	Inovacija proizvoda i tržišni razvoj
Finansijski intermedijar je agent između štediša i investitora; obavlja monitoring kredita za račun deponenata (štediša)	Finansijski intermedijar je poduzetnički pružatelj finansijskih usluga
Efikasna alokacija štednje	Kvalitativna transformacija aktive; transformacija rizika
Transakcijski troškovi Asimetrične informacije	Kreiranje vrijednosti Orientacija klijentu (investitorima i štedišama)
Moralni hazard, kreditni rejting, revizija	Upravljanje rizicima; optimizacija rizika/prinosa
Regulacija kao tržišna nesavršenost	Regulacija - institucionalna i sistemski kontrola rizika
Disintermedijacija	Dinamika intermedijacije (nova tržišta, proizvodi, institucije)

Izvor: Scholtens i Wensveen, 2003.

Scholtens i Wensveen (2003) ističu doprinos intermedijara za proces stvaranja vrijednosti koji omogućuje upravljanje rizikom. Rizik se prema ovom gledištu promatra kao ključni koncept u finansijskoj industriji, ali za razliku od svojih prethodnika ne smatraju da je centralna uloga rizika za finansijske posrednike ograničena samo na novije vrijeme, već da su tradicionalne teorije postavljene na krivim temeljima. Specifični proizvodi koje nude finansijski posrednici ne mogu biti ponuđeni od strane individualnih investitora, jer ne pokrivaju rizik i kao takvi imaju ključnu ulogu u ekonomiji.

5. ZAKLJUČAK

Institucionalni investitori zbog svoje veličine i visokih iznosa prikupljenog kapitala uživaju povlašteni tretman na finansijskim tržištima u smislu nižih troškova i boljeg pristupa informacijama. U stanju su pokrenuti ili umrtviti tržište, imaju velik utjecaj na cijene vrijednosnih papira, likvidnost i volatilnost tržišta te na ostale uvjete na tržištu.

je stvaranje portfolija i diverzifikacija rizika zbog visokih transakcijskih troškova po jednom ulaganju.

kroz nemogućnost zarade od plasmana zbog malih iznosa ulaganja i visokih minimalnih transakcijskih troškova. S druge strane, malim ulagateljima otežano

Nastanak i razvoj institucionalnih investitora povezan je s procesom jačanja institucionalizirane štednje. Naime, posljednjih desetljeća zamjetan je streljovit rast profesionalno upravljane štednje stanovništva i ostalih novčanosuficitarnih jedinica, dok se udio štednje koja se direktno investira u vrijednosne papire ili drži u formi bankovnih depozita proporcionalno smanjuje. Ove promjene smatraju se ključnim u evoluciji finansijske strukture i promjena u finansijskim sustavima.

Razvoj institucionalizirane štednje u velikom broju zemalja potaknut je provođenjem mirovinskih, osiguravateljskih i zdravstvenih reformi. S obzirom na kompleksnost ovih promjena kako u tehničkom tako i u političkom i socijalnom smislu te s obzirom na središnje mjesto institucionalnih investitora u tom procesu, nameće se zaključak o njihovoj sve većoj važnosti za razvoj tržišta kapitala kao i za cijelokupni finansijski sustav svake zemlje.

S obzirom na brojne mogućnosti djelovanja nositelja ekonomske politike proces diverzifikacije sustava finansijskog posredovanja, institucija, oblika i instrumenata financiranja trebao bi se sustavno poticati i podupirati.

LITERATURA

1. Allen, F., Santomero, A. M. (1997): The theory of financial intermediation, *Journal of Banking and Finance*, 21
2. Celik, S., Isaksson (2014): Institutional investors and ownership engagement, *OECD Journal: Financial Market Trends*, Vol. 2, str. 93-114
3. <http://www.bis.org/publ/bcbs20.htm>
4. Davis, E. P. i Steil, B. (2001): *Institutional investors*. Cambridge: MIT Press
5. Demirgürç-Kunt, A. i Levine, R. (2008): Finance, financial sector policies, and long-run growth, *Policy Research Working Paper Series 4469*, The World Bank.
6. Foley, B. J. (1998): Tržište kapitala. Zagreb: Mate
7. Harichandra K., Thangavelu, S.M. (2004): *Institutional Investors, Financial Sector Development And Economic Growth in OECD Countries*. Department of Economics, National University of Singapore, Working Paper 0405.
8. Jurković, P. (1994): Finansijski management u praksi. Zagreb: Masmedia
9. Leko, V. (2008): Finansijske institucije i tržišta (pomoći materijali za izučavanje). Zagreb: Ekonomski fakultet Sveučilišta u Zagrebu
10. Levine, R. (1997): Financial development and economic growth: Views and Agenda. *Journal of Economic Literature*, 35, str. 688-786.
11. Lin, J. Y., Sun, X., Jiang, Y. (2009): Toward a theory of optimal financial structure, WPS 5038, World Bank.
12. Lovrinović, I. (1997): *Novčano tržište - srce finansijskog tržišta*. Zagreb: O-tisak
13. Mishkin, F. S., Eakins, S. G. (2005): Finansijska tržišta i institucije. Zagreb: Mate
14. Novak, B. (2005): Finansijska tržišta i institucije. Osijek: Ekonomski fakultet u Osijeku
15. Olgić Draženović, B. (2012): Uloga i utjecaj institucionalnih investitora na razvoj tržišta kapitala odabralih tranzicijskih zemalja i Republike Hrvatske, znanstveni doktorski rad, Rijeka: Ekonomski fakultet, Sveučilište u Rijeci
16. Prohaska, Z. (1996): Analiza vrijednosnih papira. Zagreb: Infoinvest
17. Rajan, R. G. i Zingales, L. (1998): Financial dependence and growth. *The American Economic Review*, Vol. 88, str. 559-586.
18. Scholtens, D., Wensveen, D. (2003): The Theory of Financial Intermediation: An Essay On What It Does (Not) Explain, SUERF - The European Money and Finance Forum, SUERF Studies Beč.
19. Šonje, V., ur. (2005): Veza koja nedostaje: kako povezati razvitak tržišta kapitala i gospodarski rast. Zagreb: Arhivanalitika
20. Vittas, D. (1998): *Institutional Investors and Securities markets: Which Comes First?* Washington: World bank.